

HOKIMIYAT VAKILIGA YOKI FUQAROVIIY BURCHINI BAJARAYOTGAN SHAXSGA QARSHILIK KO'RSATISH BILAN BOG'LIQ JINOYAT VA MA'MURIY HUQUQBUZARLAIKLAR UCHUN JAZOLAR OG'IRLASHTIRILDI.



O'zbekiston Respublikasining 2021 yil 4 oktyabr kungi **o'rq-419-sonli** qonuni bilan O'zbekiston Respublikasining Jinoyat kodeksiga hamda O'zbekiston Respublikasining Ma'muriy javobgarlik to'g'risidagi kodeksiga o'zgartishlar kiritildi.

Qonun bilan kiritilgan o'zgartishlar

Ushbu qonun bilan Jinoyat kodeksining [219-moddasi](#) "**Hokimiyat vakiliga yoki fuqaroviy burchini bajarayotgan shaxsga qarshilik ko'rsatish**" 219-moddasiga quyidagi o'zgartishlar kiritildi,

birinchi qismning [sanktsiyasi](#) quyidagi tahrirda bayon etilsin:

«bazaviy hisoblash miqdorining ellik baravaridan yuz baravarigacha miqdorda jarima yoki uch yuz oltmish soatgacha majburiy jamoat ishlari yoxud uch yilgacha axloq tuzatish ishlari yoki bir yildan uch yilgacha ozodlikni cheklash yoki bir yildan uch yilgacha ozodlikdan mahrum qilish bilan jazolanadi»;

ikkinchi qismning [sanktsiyasi](#) quyidagi tahrirda bayon etilsin:

«uch yildan besh yilgacha ozodlikni cheklash yoki uch yildan besh yilgacha ozodlikdan mahrum qilish bilan jazolanishi belgilandi.

Shuningdek, Ma'muriy javobgarlik to'g'risidagi [kodeksining](#)

1) "**Ichki ishlar organlari xodimining qonuniy talablarini bajarmaslik**" [194-moddasi](#):

birinchi qismining [sanktsiyasidagi](#) «ikkidan bir qismidan ikki baravarigacha» degan so'zlar «bir baravaridan o'n ikki baravarigacha» degan so'zlar bilan almashtirildi;

ikkinchi qismining [sanktsiyasidagi](#) «ikki baravaridan uch baravarigacha» degan so'zlar «o'n ikki baravaridan o'n besh baravarigacha» degan so'zlar bilan almashtirildi;

2) "**O'zbekiston Respublikasi Milliy gvardiyasi harbiy xizmatchisining (xodimining) qonuniy talablarini bajarmaslik**" [1941-modda](#):

birinchi qismining [sanktsiyasidagi](#) «ikkidan bir qismidan ikki baravarigacha» degan so'zlar «bir baravaridan o'n ikki baravarigacha» degan so'zlar bilan almashtirildi;

ikkinchi qismining [sanktsiyasidagi](#) «ikki baravaridan uch baravarigacha» degan so'zlar «o'n ikki baravaridan o'n besh baravarigacha» degan so'zlar bilan almashtirildi;

3) "**Ichki ishlar organlari xodimlarining o'z xizmat burchlarini bajarishlariga qarshilik ko'rsatish**" 195-moddaning [sanktsiyasidagi](#) «uch baravaridan besh baravarigacha» degan so'zlar «uch baravaridan yigirma baravarigacha» degan so'zlar bilan almashtirildi;

4) "**O'zbekiston Respublikasi Milliy gvardiyasi harbiy xizmatchilarining (xodimlarining) o'z xizmat burchlarini bajarishlariga qarshilik ko'rsatish**" 1951-moddaning [sanktsiyasidagi](#) «uch baravaridan besh baravarigacha» degan so'zlar «uch baravaridan yigirma baravarigacha» degan so'zlar bilan almashtirildi;

5) "**Hokimiyat vakilining qonuniy talablarini bajarmaslik yoki xizmat vazifalarini bajarishiga to'sqinlik qilish**" [198-modda](#):

birinchi qismining [sanktsiyasidagi](#) «ikkidan bir qismidan bir baravarigacha, mansabdor shaxslarga esa — bir baravaridan ikki baravarigacha» degan so'zlar «bir baravaridan o'n ikki baravarigacha, mansabdor shaxslarga esa — uch baravaridan o'n besh baravarigacha» degan so'zlar bilan almashtirildi;

ikkinchi qismining [sanktsiyasidagi](#) «bir baravaridan uch baravarigacha, mansabdor shaxslarga esa — uch

baravaridan besh baravarigacha» degan soʻzlar «oʻn ikki baravaridan oʻn besh baravarigacha, mansabdor shaxslarga esa — oʻn besh baravaridan yigirma baravarigacha» degan soʻzlar bilan almashtirildi.

Jamiyatimizda hokimiyat vakiliga yoki fuqaroviy burchini bajarayotgan shaxsga qarshilik koʻrsatish holatlarini keltirib chiqaruvchi sabab va shart-sharoitlarni chuqur oʻrganish va tahlil qilish, aholini huquqiy ongi va madaniyatini oshirishga eʼtibor berib, bu ishlarni malaga oshirishni samarali yoʻlga qoʻyish davr talab qilmoqda.

Q.Abdullayev
Jinoyat ishlari boʻyicha
Quva tuman sudining sudyasi

[Bizni ijtimoiy tarmoqlarda kuzating](#)

[Facebook](#) | [Telegram](#) | [Youtube](#)

2021-10-19 11:01:21